


Mūciĩ wa aciari a Kamau wĩ hakuhĩ na mūtitũ. Ithe wa Kamau nĩ athiaga kũguĩma nyamũ kũu mūtitũ. Onake nyina wa Kamau nĩ athiaga kũu mūtitũ kuuna ngũ. Kamau nĩ eriragĩria gũthiĩ kũu mūtitũ-inĩ mũno no aciari ake matimwĩtĩkagĩria.





Mūthenya ūmwe hwaĩ-inĩ Kamau nĩ athaithire
ithe magathiĩ nake mūtītū kwaroka gūkĩa. Ithe
nĩ aregire akĩmwĩra mūtītū ti wa ciana. Kamau nĩ
erire ithe atĩ we ti kĩguoya. Thutha wa kũarangia
ithe nĩ amwĩrire agokĩra tene eharĩrie nĩ magathiĩ
nake mutitū.






Kamau ndakomire wega ũtukũ ũcio. Akomire
agĩciria ũrĩa agokĩra tene na maũndũ marĩa
ekuona mũtitũ-inĩ. Kamau nĩ arĩ na gĩkeno mũno nĩ
kũmenya atĩ nĩ akeyonera kĩrĩa gĩkoragwo mũtitũ.





Nĩ aiguaga ng'ano ũrĩa mũtitũ gũkoragwo na nyamũ nyingĩ na mĩtĩ mĩnene. Ningĩ nĩaiguaga atĩ mũtitũ nĩ kũrĩ mĩtĩ mĩingĩ ya matunda. Nĩoĩ atĩ ũũkĩ wĩ mũrĩo uumaga mũtitũ.





Kamau nĩ onire ũtukũ ũcio wĩ mũraihu mũno. Nĩ okĩrire tene ona gũtakĩte biũ. Cai wahĩa Kamau nĩ anyuire na ihenya inene. Kamau onaga ithe akĩnyua cai wake kahora mũno ona gũtuĩka ndaigana kũmũria.





Ithe wa Kamau arĩkia kũnyua cai nĩmambĩrĩirie rũgendo rwa gũthĩĩ mũtitũ. Makinya ithe wa Kamau nĩ ambĩrĩirie kũrora mĩtego yake. Mũthenya ũcio ndarĩ na mũnyaka. Ndaigana gũkora ona ũmwe ugwatĩtie nyamũ.





Kamau nĩ arorire na igũrũ na akĩona mũtĩ warĩ
na matunda mathaka. Nĩ erire ithe atĩ nĩ arenda
kũrĩa matunda macio. Ahaica ithe nĩ athire
kũrora mũtego ũtarĩ kũnene. Kamau nĩ ambĩrĩirie
kũrĩa matunda.





Thutha wa kahinda Kamau nĩ aiguire mũgambo mũnene. Waumaga mwena wake wa ũrĩo. Nĩ aiguire ambĩrĩria kũigua guoya. Mũgambo wathire o ũgĩũkaga hakuhi na Kamau na ũkĩnenehaga.





O rĩmwe Kamau akĩmenya e ũgwati-inĩ. Nĩ anĩrĩire na agĩta ithe na mũgambo mũnene. Ithe nĩ amũiguire e haraihu na agĩteng'era gũthiĩ kuona nĩ kĩĩ gĩatũmaga Kamau akae.





Ithe wa Kamau ndonire kīndū akinya mūtī-inī. Nī oririe Kamau nī kī kīamūrīragia akīmwītaga na mūgambo mūnene. Kamau nī erire ithe ūrīa aigūite. Ithe nī amwīrire ūcio warī mūgambo wa nyoni nene īitagwo nderi. Ithe nī amuonirie nyoni īyo na akīmūthekerera.





Makīinūka Kamau nī aiguire mūgambo mūgeni
igūrū rīa mitī. Kamau nī ambīrīrie kūmaka rīngī.
Ithe nī amwīrire arore mūtī-igūrū na akīona njūkī
nyingī mūno. Ithe nī amwīrire atī iraingīra mwatū
wacio.





Magĩkinya mũciĩ Kamau aarĩ mũnogu mũno no arĩ
na gĩkeno. Nĩ aganĩire nyina maũndũ marĩa oonire
mũtitũ. Nĩ acokeirie ithe ngatho na akiuga nĩ
amenyire mũtitũ wendaga andũ agima.

